



利峰遯道者評唱

鹽官性理禪

學名德錄

廣壽悟心堂藏板



止教住

一進于文

序

夫三教之興。其有憂世之心乎。立教之指。雖異。于以持世維風。則一也。蓋道之行也。類日月經天。江河行地。天下咸被其德。而不知其所以然。方之仙佛二家之指。將母同歟。竊憶儒行篇。肇自孔子。迨猶龍發歎。老氏以興。並在衰周時。佛法始入中國。亦繇後漢。當其時。世教往。凌夸也。三聖人起而正之。釋迦闡教。清淨爲先。修植善根。所以弘宣勝業。津梁品庶。仙游之詩曰。大道嘗無爲。弘之繇善始。真官戲玄津。與物無疑滯。後世儒者。淡于遇而通于道。蓋空諸所有。而



不實諸所無。其道法一也。雖然老氏之學。漢用之寧一而治。晉尚玄同而亂。釋氏之學。漢唐取爲小治。而梁武石晉。坐以不振者。抑何歟。自性學不明。世趣空僞。士薄實行。而志榮華。或慕長生。而耽空寂。蓋失其本矣。間有操戈二氏。爲同室之鬪。繼而喫杖受拂。鼓闕市之聾噫。益惑矣。夫昌黎之表佛骨。非闢其道也。東坡之友佛印。非崇其教也。豈非特生豪傑。爲三教干城哉。吾寧先達諸老。如張子韶。楊文若。於政事文章。爲世推重者。載諸邑乘。獨近世究心內典諸公。未有記述。利峰大師。邑產也。訪道天童會上。傳衣受法。

直下承當。頓超無上。開導隆興之黃龍者久之。戊午春。振錫故里。舉平時友教肩隨之士。一見觀心。聞聲証果。凡搢紳長者。一時問答之辭。一曰名德錄。一曰性善錄。合梓以問世。示接引也。都作平等觀。是知教無體類。而道在圓成。有志之士。直領最上一機。自修自証。方解大導師有言寄也。明其所寄。可以忘言矣。康熙十七年戊午冬至陽生日止。谿朱嘉徵白峰老人敬題。

人敬題



增瘵蹇癘蓬門無由問道撫躬如失庶咫尺江山道術相忘一音得解萬善可偕云爾。

金粟法弟張華法名行祥敬題



名德錄卷第一

編目

呂覺我居士

理學名儒萬曆癸卯科貢見達大

吳梅里居士

甲戌進士吏部尚寶司叅禮壽昌

陳魯直居士

辛酉孝廉初任廣平令嗣陞大叅

蔣上觀居士

禮密雲悟老人
塩官大儒禮安國平觀法師

郭黎脣居士

甲子賢書兵憲東充嗣法雪嶠信

張元岵居士

辛酉孝廉禮天童密雲圓悟老人

朱岷左居士

壬午孝廉叙州司理時與雪松法

張書乘居士

辛卯孝廉叅禮密雲老人受記勃

查伊璜居士

癸酉孝廉叅金粟石車乘和尚

陳穉升居士

名儒書禮大家樂善修德

應在明居士

嘉靖癸丑進士官刑部見紫陽真人

朱巽行居士

丁卯賢書禮五臺懷真法師

黃近信居士

鹽官名儒禮回泉老師

李不羣居士

名儒叅究性理

葛禹巡居士

名儒叅究性理見谷隱真人

蔣聞大居士

丙子孝廉任伏菟令叅牧雲和尚

張嗣留居士

癸未進士任許州守明理盡性

朱方菴居士

壬午舉于鄉己丑成進士任東昌司理後同蔣虎臣修道峨嵋山

郭彥深居士

壬辰進士行人司行人禮百痴和尚

董文衡居士

名儒叅禮超果離言法和尚

許德宣居士

名儒叅禮東明孤雲鑑和尚

祝渭溪居士

名儒叅禮地藏可憇和尚嗣法宣城宗祖禪師後隱天台

周運昌居士

名儒叅禮吉祥愚山藏和尚嗣法龍門禪師有拈頌古行世

張待軒先生外傳

黎睂郭公外傳紀畧

朱止谿先生夢遊白茄峯初地記

徐鏡湖先生外傳畧

所拔士多名卿大魁。一時守令半出其門。先生端方峻潔。邑中縉紳嚴憚之。不敢干瀆。有司者三十年。先生見道明性。三教洞徹。其道德文章。貫乎宇宙。透悟本來。而得自然之天真。如鏡明則影象消除。性淨則應感圓通。豁露無上。直証真如。且先生卒後。精靈不散。憑依許生仙壇。凡三載。續改四書疏解。增註六經親故。咸至壇重晤。如面談。是先生雖死若在。其道不亡。老君曰。死而不亡。謂之壽。並日月之行。不生不滅。猗歟休夫。

利峰遜者曰。余稚歲。嘗讀先生文。及此上所著書。以爲菩薩再來也。先生足跡半天下。尊貴仰重。聘選衡文。推爲理學名儒。見道明德。雖居塵世。而出塵世。了聲色如空花。達正心爲淨土。既見本性。卽是法性。不着有爲。不着無爲。作最勝功德。道果圓成。而名垂不朽。聞風興起。豈非振千古。參天地。卓然而不可泯者乎。

迷中悟。都是生死根。要見妙明真性。畢竟是獨露靈光。而慧心自現也。公于是信益堅。立誓行善。大小梵刹。無不護持。而碑銘記跋。公無吝焉。語出夢回集

利峰遜者曰。梅里居士。夢金神預報。故其見道明徹。豈惟以文章作佛事耶。蓋大金湯。以身布施。心布施。真實布施。又能打破萬象森羅。於這着子。了無隔礙。把日月兩手推開。獨露自己圓明。向毫頭不上。豁爾融通矣。

陳魯直居士

公諱之伸。字申父。幼敏性孝。學行端凝。天啓辛酉。舉孝廉。初任廣平令。問民疾苦。親親仁愛。德惠及物。士庶感焉。嗣以陞登大叅。力興古道。積善好修。心明遠達。而不護戒壇。及西菴之盛。真菩薩大力也。嘗以書問道密雲老人。其略云。大道無形。至理絕論。此是脫度語。終未極則。祇如盤古開天。畢竟那裡撞將出來。或謂混沌中。難道過去無相之真佛。俱在混沌不明白中耶。如河圖未判。洛書未成。龜馬在何處安身。且混沌已前。是何等境界。密雲老人答曰。公有冠世之

才。官樣文章。驅左莊班馬。正是大家氣象。而論天下古今。倩虛空一體。無先後際。虛空吐出舌頭。謂過去燈王絕相中。降跡爲盤古。史鑑不載也。公舒此一問。甚爲奇特。知三世際無邊。無邊故無相。無相據實而有形。有形非實相也。過去千萬劫。有佛有聖。盤古卽威音王也。故威者形之先。音者聲之先也。或謂盤古劫始定光之初也。公大笑撫然曰。旨哉。吾無疑矣。嘗寂然端坐。究竟首楞嚴。堅固了義。及法華維摩圓覺。諸大品經。深有悟入。而了然塵淨光生。于此一着透徹見源。晚年更增道力。性理之明。道德之著。階庭秀發。其甚優哉。公年八十四。豫知時至。無恙兀坐。默稱如來。瞑然而逝。

利峰遜者曰。先生道德名世。學究天倫。而超義皇之上。修善樂施。其被物也。護持佛法。其盛意也。福田廣植。性慧之隆。叅透生前。永證無上。贊以言曰。居塵出塵。蓮花淨性。夙慧旣植。如月之印。默契厥元。心光遠映。體本無爲。緣生智鏡。芳茂千秋。祥儀必應。

公諱國光。海昌名儒也。為人慈仁厚道。恕而謙吉。德行禮義。越于先覺。嘗遊安國寺。平觀法師之門。以性理質問。發之自然之天真。而公具有本來智慧靈根。述言透露。皆從德性中流出。故能言之與行服人。而福田利濟之功。澤及上下。莫不沾其慈惠。即今之子若孫。階庭穎秀。蓋當日之所陰騭。而有憑者乎。後于西菴放生社。晤天童密雲老人。公問佛法之要。其妙密用工。祈所徹悟。密雲老人曰。此事極難。而極不難。惟在一念頓了。一切虛幻。如露如電。如夢如泡。皆非

蔣上觀居士

公諱國光。海昌名儒也。為人慈仁厚道。恕而謙吉。德行禮義。越于先覺。嘗遊安國寺。平觀法師之門。以性理質問。發之自然之天真。而公具有本來智慧靈根。述言透露。皆從德性中流出。故能言之與行服人。而福田利濟之功。澤及上下。莫不沾其慈惠。即今之子若孫。階庭穎秀。蓋當日之所陰騭。而有憑者乎。後于西菴放生社。晤天童密雲老人。公問佛法之要。其妙密用工。祈所徹悟。密雲老人曰。此事極難。而極不難。惟在一念頓了。一切虛幻。如露如電。如夢如泡。皆非

實有。公曰。若與豎拳下喝。為証宗門得否。密老人曰。大凡拈棒下喝。豎指擊拳。激揚無上。不可演之妙義。非大圓智通不能領畧也。公于是篤信之堅。以道自居。以德自重。端然默契。所證彌高。益有記焉。公著述嘉集若千卷俱行于世

利峰遜者曰。公三代以上君子也。淳風碩德。出自天表。靈機穎悟。慧性自然。証孔孟之道。証佛老之機。豁然貫通。三教一如。公之眼分日月之光。胸開紫雲之瑞。須是上觀先生。

郭黎眉居士

別號豁突。自稱無地地主人。

公諱凝之。通達三教。吐納明辯。雖當世名儒。莫能酬抗。乃依先天童密雲老人。博悟禪理。著教外別傳。與雪庭商訂行世。後于放生社。著先覺宗乘錄。密雲老人為之序。及翻大藏。穎詮秘義。公于茂年初發心時。見雲棲蓮池大師。師以宗門話指示之。直下有所省發。蘊而不吐。澄澄然如海含月。終無自是。次見憨山大師。于湖山淨寺。談及此事。公乃唯唯微笑而已。後晤雪庭語風老人。于白雀齋頭。聊齊相契。屈指二十餘年。相逢時。惟提向上一着。拈弄古人機用。五宗源

流。總不出海昌放生豁突。無地地手眼之妙也。後隱匡廬。繼踵白樂天之蹟。草堂旦遇。香爐峯雲靄彌彰。或與天半真人。共遊竹影。或與山牛樵夫。鶴雀同羣。自翩翩磊落。人莫能識。一日拽筇過曹谿。寂坐晏如。偶有老衲。眉長尺二。掬清泉之供。越三七日。公始飲。乃于千丈崖下。大書靈臺寂照四字。有問其所以者。何。公以搖手拂之。衆異而請歸華頂。卽同長眉者潛去。莫知所止焉。

利峰遯者曰。海昌黎眉先生。異人也。飄々若仙。踪跡難追。無相身中。端倪莫測。大奇特人。隱顯難知。蓋具此一副骨頭。如金剛劍。早能斬斷一切恩愛。獨証其道者耶。

張元岵居士

公浙汜遺農髦年讀書不倦自名其室曰待軒學者稱為待軒先生

公諱次仲。于學無所不闕。晚年學易。體悟伏羲文王周公孔子。而游心象外。著有易記。啓先天無方之道。拈示兩儀之變化無窮也。又好頌詩。義宗下序。曰詩記亦成刻矣。公嘗與圓覺討論古今。謂卓吾異論。先儒自恣口舌。然道學諸公。豁渠管東溟之輩。推開山岳。各顯風雷。而虎頭之威。未得衡雲而出。故焦弱侯嘗言。龍湖別其議論。而焚書說書藏書。不更為塵土乎。凡學者著述。必稽先儒之精蘊。以己之學力識力。分明與聖賢覲面提持。落筆傳神。若輕浮一往之徒。

抄寫樹頭之色。無乃鐵壁難透。達摩衣鉢終不能得矣。于時圓覺謝而退。思其言。誓發光華。越六年。再訪淨居。公已辭世。何高風之息。流水之咽。吁哉。公輯詩書記言。春秋左傳。以及漢晉唐宋明。皆有纂記。又輯孔聖年譜。燦然與日月同光也。曾簡先天童密雲悟老人書。公尺牘三上。其後云。墮落塵垢。已數十年。營營擾擾。了無任足。又言。非拋却世緣十年二十年。死活數番。無有是處。若以意見承當。言語領畧。是爲謗法。徒造虛殃。此非精進力深。而能如是乎。公旣沉酣內典。維摩圓覺楞嚴諸乘。實有心得。提掇臨濟宗風。

出人意表。而口不談禪。謂昌黎之大節。不在闢佛。東坡之文章。不在說禪。若吾輩借禪以文。其陋禪家復借吾輩以高其價。互相援引。豈大丈夫事哉。故與密老人相對。清言娓娓。密老人亦不以機鋒相探。而彼此莫逆。真不異香山之與鳥窠也。密老人寓鳳林時。衆有欲鐫入臨濟宗譜。紛紛議論。密老人問公云。居士之意如何。公謂佛法未敢言深曉。但儒者有益棺論定之說。和尚是臨濟峻宗。自然歸仰。若分毫未契。今雖入宗譜。難逃明眼也。密老人撫掌大是公言。及住金粟。風波頓起。公竭蹶維持。而游其門者。極口勉

留密老人拽杖而出。後以書遺海岸居士云。老僧到過不得處。惟元帖居士能以道義相成。至今念之。黃

岸者名端伯字元公名進士爲寧杭司理沉心禪學

雪嶠信老人嘗謂公曰。人

須看得自家輕。方可學道。如來出離世網。無不爲是。若有所牽纏。難說這個。公曰是也。若在家能父慈子孝。兄友弟恭。不私己不害人。諒非佛之所惟。佛說四十二章經。原本何嘗有捏虛造無之語乎。雪老人首肯公言。此皆不以禪爲禪。而非禪爲禪者也。生平欽仰蓮池大師。化言敦實。心服其終身居學地而自鍛鍊。公之好道修身。誠爲高明識見。力行真實。所以洞

徹世間學無學也。

利峰遜者曰。河洛之源流。而洙泗之授受。濂溪無東林之傳。天下無虞山之記。公于禪學。默有元會。臨終自然。乃平日所修。壽彌九十。著述百卷。其孫無逸。初壽梓行世。別記增秀嘉言。並以傳之。稽公之道德理義。非夙願慧性。現名士珍重身。不能有如是迥別。

朱初亭居士 別號止谿

公諱嘉徵。海昌文學之宗也。性真率儻易。邑中俱以中正稱之。自拂衣燕居。積書萬卷。擬于匡谷仁壽之樂。故其超畧迥然。不同凡品。卽有見謁。惠譚不倦。別聘神機。要胸無城府。不立異同一也。公于日用動靜。俱能身體行之。然于事理圓通。無所疑焉。余稚歲時。于花園東宅。竊聆公之教言。迨茲四十餘載。如一日。蘊而不忘。蓋與諸子論道。謂東坡見諦穎慧。譏原道之偏。晦菴默契禪理。而明排佛老。第恐學者之盡歸于釋氏。固立藩牆。然三教鼎立。不離心性。別戶分門。

者錯矣。旨哉言乎。佛與衆生。無二無別。祇因凡夫濁亂。念頭不真。不能到純清絕點。而昭昭靈靈。俱以自昧自蔽。不能迴光返照也。公著述若干卷。止谿詩言若干章。俱梓行世。此匡廬白茹尊者再來人也。事詳別記。

利峰遜者曰。初亭居士。多聞博學。智慧通達。洞徹樂三教淵源。而所發言。真爲後學標榜。凡生平著作。皆以本分性理。而發之爲詩爲文。如照世明燈。開昏衢而啓天碧。正是性淨妙圓。高風遐矣。

張書乘居士

法名行祥

公諱華。登辛卯賢書。其爲人也。清風高節。本性恬靜。而居家孝友。及任諸暨教諭。凡爲文。動關教化。振起士風。見于傳集。公嘗以名教自任。用訓羣賢。日富其學。所以講明宣暢。求爲世教之藩屏焉。而邑侯許公。舉鄉飲大賓。推重當事。固如此。又嘗與朱止溪。沈同虎。談詩論文。亶亶不倦。一日因友人蔡子穀。譚及張子韶。楊文若諸儒。所造精妙。皆由禪道而至。公于是慕悅之。偶聞密雲和尚。太平寺說法。公遂得參禮。直下承當。釋然契悟。而知棒頭有據。點開太虛之眼。逆

出靈明。照天照地。而六根清淨。其心無證而證。無畏
圓通。了然透徹。得無礙矣。密和尚示以真機。觸目徧
界難藏。山色溪雲。頭頭顯露。而等覺妙覺。大覺正覺。
原是公之大圓靈智。洞徹千古。又豈扶桑之迸東紅。
得盡公之妙密耶。當專固。又嘗與米五。同
利峰。遊者曰。書乘先生之慧業。文章性理。同堯舜
周孔傳心之學。而禪道之大總持。卽是威音前一
着。又嘗折衷于諸羣賢。而羣賢之能體悟。不辜先
公。生極其舉要。卓然以見諸行事之實。而名義事業。
法章禮樂。復見風規高古。真足以挽世頹。而世法
出世法。一段機宜。盡屬先生生平矣。

查伊璜居士

別號敬修

公諱繼佐。逸才名世。賦性穎悟。不羈肆態。聲色而無情慾之礙。脫畧自如。嘗與高衲提唱。妙諦頓然。無不通達。因題靈岵寺佛殿對聯云。倩人搔背。上些上些。再上些。真痛癢處。還須自認。空手猜拳。是了是了。又是了。確好消息。尚在他人。此是見到說到之言。而橫眼者。安能知其深微。達其妙用。一日過金粟寺。謁石車和尚。偶值大雪。且寒圍爐。公問曰。撥塵見佛。佛亦是塵。雪覆鷺鷥。鷺鷥是雪。意作麼生。石和尚云。不着色。公曰。三世諸佛。于火焰裡轉大法輪。卽今圍爐向

火法輪作麼生轉。石和尚云。居士道甚麼。公曰。鶴過新羅。石和尚云。大雪裡。輓殺。公便出。因雪阻。留住。石和尚書頌古一則。以慰之曰。一夜江風攪玉塵。孤峯不白轉精神。從空放下從空看。徹骨寒來有幾人。公欣悅之。敬服。信宿浹旬。即求法名。行修。公別其號曰。敬修。公著述若干卷。俱傳于世。

利峰遊者曰。伊璜居士。真英傑也。而自收回頭角。與萬世相商。勞勞世間。已知俱錯。將心肝嘔盡。只剩一雙空手。都教天上人間。認着伊璜面目。豈待龍馬負圖。使奇男子。喪盡神機。即挽回盤古氏証。

盟而亦笑倒羲皇矣。

陳穉升居士

道號慧菴

公諱之逃。世本業儒名家。才品並著。卓絕一世。于佛法最上。究極其源。期所實証。及晤諸大知識法師。言教俱有契焉。而自心與太虛遊。得清淨明生。本元真體。廓然獨露。如來妙性。祇這是矣。大約禪學。有格外靈機之妙。撫獅絃而絕衆音。從此透徹。雷雨非其天怒。風雲不在空出。處處無礙。頭頭合道矣。公嘗遊戒壇。接待諸講席。豈惟耳聞思修爲得乎。而靈根自具。慧智自通。大信心菩薩中來。所以聞性達道。秘密透穿。如寶曇花。含諸潔潤。公之所悟自然。而至善至德。

至深般若。卽大用神機。又寧坐蒲團。證大覺。爲不思議果耶。龍巖道者。誌以偈云。高風久矣逼人清。迥有靈心透體明。力究祖師關楨子。真機獨耀豁無生。

利峰遜者曰。公久負才名。信心知佛。卽性彌陀。當體極樂。于最上第一義。參悟進道。凡所發言。澤于仁義道德。皆慧心智性。迥略不凡。而究竟之功。卽蘊空無礙。靈明自然。頓現寂然之境。返照自如。亦無能究之心也。公得安慮自定。徹見源頭。佛祖之道。超出嘗情意解。便可直透真如。

應在明居士

公諱明德。號養虛。其先世自仙居遷寧邑。童有異徵。穎慧好讀。年十四游泮。冠羣學。嘉靖癸丑成進士。官刑部。好義勇爲。因介溪謫仲芳。公力爲之解。事發不能。乃從血肉中辯仲芳。醫藥勞問。語其天且無惜之。吁難哉。仲芳旣卒。家人藏血。越年而碧者。地下必有報公心耳。公以義節忘餐。又寧以患難顯晦。死生介意。惟祈天理。仁德自誓。而忠肝義膽。極其所至。雖拯危。浩氣若冲。乃卽掛冠隱修。白鹿之適。紫陽真人。與之言曰。公有異質。具道骨。丹山雲氣。當深隱時矣。公

輒解衣脫影之從。臨原谷。追醒舊時面目。歎生平無
昧心事。而體究道德。於佛祖聖賢之學。皆有証焉。然
忠義凜然。懸之日月。必于天地間為神。而不負其正
直聰明也。

利峰遜者曰。公之為人忠義。具至德。有道骨仙風。
遇紫陽真人點化。其詩文著作。果出意外。或謂應
公歸隱白鹿之陽。與石室叅同。真得道學源頭。蓋
修隱名山。視汲汲聲利之間。塵營絆足。安得於深
林雲谷作仙人。惟公大智。去紛華之習。崇禮義之
美。養晦山巖。寄興處遠。真是奇特中高士也。然在

風塵汨沒。而勞心不醒。孰知嘉遁。忘于世乎。

曾孫諱聘。稽傳宗祖肅德。以靈谷之隱。匡南潤澤。逮今未泯。紫陽白鹿之風。遺韻有聲。錢牧齋題竹隱詩云。疑有仙人歸洞府。掛冠安靜養虛心。其指在明先生一段忠義。天下後世。炯然猶在焉。余昔遊匡巖。知其事甚詳。與語其四世孫肇貞。請記之。貞年十三。游鹽官庠。年少雅致。邑中賢達有贈云。書香清美起鯨鰲之句。蓋先太翁之陰功遐被。而有憑者乎。

鐵佛崖真如道者識

云此一着宗門最上。不以言宣。不作意解。惟貴自悟。徹見根源。便可自在。了知安身立命處也。公訊而退之。

利峰遜者曰。公儒行鴻才。博學抱忠孝之思。貫金剛之骨。于世出世間之法。深參體究。徹透淵源。直見儒宗佛宗。心印重輝。若非智力再來。行于五濁安能得如玉音鏗鏘。鳴于海潮之奏耶。是惟君子之心。同乎大覺慧性之湛圓。乃卽真如之妙密也。

黃近信居士

公諱世才。業儒不遇。篤行仁義。偶見一難人鬻艾婦。價三十兩。哀號不忍。分手。近翁目擊。心傷。措貸完聚。十八年後。長男奇南。公諱如金。前戊子己丑聯捷。年甫二十。近翁同續室王氏。積善虔修。敬佛同往。任所嚴命。奇南做一廉吏。長君卒于官舍。近翁奉綸誥爲大夫。拜隨回泉。老師七載。古稀而卒。次子初英。諱如籙。廿有一歲。始遊杭郡庠。受母命。唯謹勵精。博學冀振箕裘。不幸諸艱。歷試不獲。伸志力行。孝道割左股。減已之筭。求添母壽。王母疾愈。茹素喜捨。戒殺放生。

延壽三年餘一夕之疴念佛而逝初英內室呂氏乙酉之秋卧病數日見觀世音及見純陽呂祖豫定九月十五丑時親來引導平日雖念佛拜經何知空蘊之功臨終能言我一心是佛欣然而終毫無兒女之戀見者皆醒今內室陳氏奉持齋戒每日誦準提秘咒若干金剛心經各五卷念佛五千聲又誦觀音經五卷禮拜勤修朝夕不怠僅十五年矣夫君行善供僧皆得如意內人協襄不厭累德積功幸得有子有孫何望無堂無室唯知齊家樂善日誦梵經以忍爲自度以解結作津梁佛號心持端居淨域已四十年矣精進無間利益無疆佛聖加錫祐以永康利峰遜者曰近翁積德有施報之驗而奇南之早第蓋有殊徵初英少年入泮夙植文華內室信善功果分明全家樂道上德之風戒殺放生菩提之願而必安履危波永居玉界矣

公諱定郊。業儒博古。參究性理。極盡玄門之妙。澄心
 靜默。體貼精一。寂然融會。工夫透焉。蓋其為人。仁慈
 憫物。不啻菩提佛心。而利濟惠貧之施。焚券放生之
 念。其功德之出心田。信善之發自性也。公嘗誦金剛
 般若。乃曰。四相空而妙圓徹。三災泯而真如現。無為
 即有為之作。有為即無為之証。此中諸相。即非相。非
 相即如來矣。又閱玉皇道德尊經。知捨藥救生。果證
 無上。大醫王。無量最勝第一。公以良方。普為救濟。而
 沾恩者。不勝其數也。每念兩親逝世。雖欲承懽譜緒

葛禹巡居士

公諱定郊。業儒博古。參究性理。極盡玄門之妙。澄心
 靜默。體貼精一。寂然融會。工夫透焉。蓋其為人。仁慈
 憫物。不啻菩提佛心。而利濟惠貧之施。焚券放生之
 念。其功德之出心田。信善之發自性也。公嘗誦金剛
 般若。乃曰。四相空而妙圓徹。三災泯而真如現。無為
 即有為之作。有為即無為之証。此中諸相。即非相。非
 相即如來矣。又閱玉皇道德尊經。知捨藥救生。果證
 無上。大醫王。無量最勝第一。公以良方。普為救濟。而
 沾恩者。不勝其數也。每念兩親逝世。雖欲承懽譜緒

蔣聞大居士

參究性理

公諱薰。別號丹崖。父省。愚公。具至德。母有異徵而生。性孝友。負卓絕之才。舉丙子。孝廉。初任縉雲教諭。陞伏羌令。愛民澤物。一與民休息為事。仁而有德。士庶感焉。初參牧雲和尚。即指素其位章。體究聖賢着落。轉入如來秘密。便見禪道精微。公于言下有省。乃曰。百千萬劫。修菩提道。今日聞和尚語。而妙明真性。豁然自証。及罷官歸。每靜坐。究竟堅固。不欺暗室。以道自任。居常德。惠兼施。利濟一切。鄉人咸以世模推重。實有長者之風焉。惟朝夕念佛誦經為課。數十年精

懃不怠。公平居謂諸子曰。吾人之心。卽如來之心。不
 能得見本來。所以蹉過。當知自性彌陀。自性淨土。自
 性極樂。自性妙覺。轉六識爲六神通。以七情爲七善
 道。自心自度。自度自心。而般若智慧。原本具足。不假
 外求。其道自然。所證亦自然矣。公神遊華藏三昧之
 境界。忽于天際樓。大悟夙因。與知識交契。真得禪學
 最上。所著詩文若干卷。行世稱作者。而公慎重明達。
 意趣高遠。得孔子命我立之天真。亦超超矣。

人利峰遜者曰。聞大先生有靈慧。天真之恒而中和。
 達道通天下之情。修其性而適之于本然之妙。旣

通自性之真。一切攝之元會。而世出世間之經濟。
 皆能節操。領略得到圓悟。大安樂。大受用。若非平
 日叅究。不能如是相應也。遜者作偈以誌。清修
 原不費工夫。芳韻流香。高士圖得趣。自然還自適。
 西莊花塲月隨過。一儒釋開宗。共一源。老聃尼父
 古今然。信知佛法超三際。個裡真風透大千。二天
 際樓頭悟本來。廓然得証面門開。卧遊不是凡夫
 境。性與文殊見五臺。三

宋方菴居士...
 公諱昇。德性沉重。孝義尤最。洞徹理數。為文學總持。
 壬午舉于鄉。已亥成進士。初任東昌司理。奉裁李官。
 補峨嵋令。達治有才。士民稱頌。公性靜樂善。隱修淨
 德。治事之餘。參究本來。其道益進。而所證之蘊入界。
 六根十二緣。俱為幻有。蓋等妙三乘。猶未極則。惟大
 覺不落思議。無約性知。自然透乎其道也。公因蔣虎
 臣先生。披緇學佛。杖笠峨嵋。與之言契。俱悟禪理。頓
 徹生前。即勸公之告歸。公亦無心留滯。旋引疾還。有
 問虎臣先生。修道峨峰。其事可聞乎。公即歛手當胸。

朱方菴居士

公諱昇。德性沉重。孝義尤最。洞徹理數。為文學總持。
 壬午舉于鄉。已亥成進士。初任東昌司理。奉裁李官。
 補峨嵋令。達治有才。士民稱頌。公性靜樂善。隱修淨
 德。治事之餘。參究本來。其道益進。而所證之蘊入界。
 六根十二緣。俱為幻有。蓋等妙三乘。猶未極則。惟大
 覺不落思議。無約性知。自然透乎其道也。公因蔣虎
 臣先生。披緇學佛。杖笠峨嵋。與之言契。俱悟禪理。頓
 徹生前。即勸公之告歸。公亦無心留滯。旋引疾還。有
 問虎臣先生。修道峨峰。其事可聞乎。公即歛手當胸。

一無所應。蓋以默契真如。而妙明真性。迥別常情。公
已豫知不久在世。幻體沉痾。皆是緣生之聚。惟空諸
所有。到實諸所無。而無無明盡。天空地豁之境界。獨
露元辰。便是最初靈光。炯然不昧也。諸子有質其教
公端坐良久而逝。

蔣虎臣諱超丁亥探花棄家修道終于峨嵋山方
菴先生扶柩以歸遂墓焉不月餘而方菴先生亦
逝似二公者原峨嵋同會人悞墮宰官身了此宿
因故相繼而寂異哉丈夫

利峰遜者曰方菴先生性聞達道理鏡之明禪心
之透又何揭日月而行周天挾峨雲而還故鄉必
從父母未生前得遇燃燈古佛指迷授記啓發再

來故能才品傑然以禦當世而虎臣先生爲峨嵋
修士勘破世上之輾轉皆如飄影而不能自安保
其全真惟是大智慧若方菴虎臣二先生可稱方
外碩交同作西歸道伴又見峨峰頂上迸出雙輪
蓋所以靈明不負津逮上乘悟淨妙圓如曇花之
敷而護世諸天當爲先生作証矣

郭彥深居士

公諱濬。母夢一神僧持寶珠入其室。覺而異之。遂禱于佛。祈所護祐。公誕時。紫光滿室。請正法寺僧禮誦陀羅尼經。以保福慧。公幼敏異。長而強學力行。篤信佛乘。與諸大知識。叅問向上。而道學禪學。一貫通達。所著古今法苑。弘秀詩詮。率義純粹。別鍾譚而異。省公內典之精明。羣書之約達。箋註琅玕。釋炮莊老。公之學識。如舉泰山。彈指秦皇馬蹄。踏翻大海之波矣。一日晤法雨社和尚。公問曰。看破眼前機景。與活菩薩。追剖畧通笑語。法雨和尚答云。掃除心上塵垢。請

孔夫子作証。莫認浮名。公于時豁然頓悟。乃曰。今日得和尚提醒。信知東坡之言。三十年功名。過眼成空。如不猛省。真癡漢矣。法雨和尚云。但恁麼會去。公拜而退。

利峰遜者曰。彥深前世不了僧。爲一念之錯。遂墮名士身耳。母旣感夢。神僧送珠。誕而紫光盈室。此非塵勞中品。當捨出家。應獲長生。而成佛果。雖得一進士。又爲不了士。倘一念之邪。遂墮三惡道。則神僧之珠。恐爲失却。又何在乎。或問曰。得士大夫身。何能出家。答曰。古德有云。出家乃大丈夫事。非

將相不爲。士大夫身。又及金輪王身。出家証佛。較之不了士。此公案破矣。或問曰。今則有不了佛者。何。答曰。衆生不能度盡。地獄不能空盡。所以累及大覺耳。

張待軒先生外傳
待軒先生諱次仲字元岵浙之海寧人也年十八為諸生訪周新之希昌于五洩尋胡玉呂廷試于螺蛳山玉呂故王弇州上客一見為忘年交讀書黃雀山房危簷敗壁旁風上雨窮寒暑不輟天啓辛酉舉鄉試座主錢牧齋天下宗工以得先生為喜而先生持論每落落不與之苟合至京師四方爭欲識面一日集山東宋華之寓不下三十許人皆知名之士先生踈畧無所瞻顧雲間潘殿虎謂其倨傲欲毆之江右朱之強彭城萬年少解之使去以安先生先生兩不

張待軒先生外傳

待軒先生諱次仲字元岵浙之海寧人也年十八為諸生訪周新之希昌于五洩尋胡玉呂廷試于螺蛳山玉呂故王弇州上客一見為忘年交讀書黃雀山房危簷敗壁旁風上雨窮寒暑不輟天啓辛酉舉鄉試座主錢牧齋天下宗工以得先生為喜而先生持論每落落不與之苟合至京師四方爭欲識面一日集山東宋華之寓不下三十許人皆知名之士先生踈畧無所瞻顧雲間潘殿虎謂其倨傲欲毆之江右朱之強彭城萬年少解之使去以安先生先生兩不

知也。先生好直言，不容隱避。然主于忠厚，以古道望人。意不出于詆訶也。魏里陳幾亭龍政，月旦人物，謂先生不好名，不妄言。蓋陽城之流也。性至孝，父有怨家，先生恐其致害，身習武藝，見者不知其為文弱士也。少嘗割股愈母病，撫按旌之。先生曰：此童稚無知之事，每一念及，輒惶悚汗下。况欲名之乎？世變後，儻居僧舍，窮老于經術之淵，繼漢唐註疏，萃語錄為箋註，著易記詩記數十萬言。春秋分傳及史傳未卒業，年八十八。而先生之道德文章，慧業率皆蓋世而不盡也。

黎眉郭公外傳紀畧

吾邑士大夫，厭棄妻子，為世外遊，長往不返。曰郭黎眉，凝之，董紫冒雲，驤紫冒去國，客羅浮以死。十餘年而故人官于粵，攜其櫬以歸。黎眉之行，去今且三十年，卒莫知其處。黎眉甫昏冠，已有出世志，師雲棲蓮池，友徑山雪嶠，纂述宗乘數百萬言，而脫屣富貴，飄然于山巔水涯，鴻飛鵠舉，不可蹤跡。世不得以士大夫盡其生平，又寧得以迹禪學佛竟其指趣也。八十六翁張次仲識。

黎眉一字大來，舉甲子賢書，已更名正中，所著有教外別傳、先覺宗乘、五家語錄、孝友傳、困學記、景

行錄。讀易詩。蔚蘆草。孝友堂遺稿等集。俱梓行世。

夫盡其生平。又... 然于山... 而對人... 昔... 香... 黎...

夢游廬山白茄峰初地記

朱止溪

余壯歲好游。坐卧湖山者久之。一夕卧游高山大川。間見精廬幽敞。前臨大溪。後倚崇岫。古木周遭極望。廬中竹榻蒲團。有禪衣上覆。左右杖拂宛然。一僧來侍。指曰。吾師兄度世二十五春矣。時與余年頗合。更省覽四架圖書。竝余手評爾。心竊恠之。僧送至艮隅門闥通洞。顧見嶺上白茄花盛放。初日照之。芬葩佚目。僧揖別時。自稱師弟。且兄余。曰。行自愛。弗忘其初醒而志之。如一日也。余性蕭散。雅不耐俗。長為山澤臞。手一編自老。足跡半天下。而白茄之兆無驗。今年

耄矣。戊午陽月。遜僧利峰持羣賢名德錄來謁。頗齒余于列。竊恠其素昧平生也。僧曰。四十年前曾聞君一語。卽平生已。異矣哉。夫人生幾四十年。而志行不移者。且人之信友也。幾四十年如歷歲時。貫金石而不渝者乎。因恍惚四十年前。酒醒夢迴時事。爲得句云。乳燕學傳紅壁語。日華偏照白茄花。詩成未奏。而利峰丙戌所寫白茄峰圖。又見贈矣。白茄峰者。匡廬九峰之一。前面大溪水出彭蠡。左天池。右法窟。後接香爐峰。下臨白鹿洞。名藍甚盛。晉時白茄尊者得道于此。後人題句云。旭陽鋪地錦。心淨白茄香。尊者號

靈壯。東林惠遠之師也。昭代世宗時。復有蕭居士長庚。仰其宗風。曾祝髮于此。中巘密樹。築室面溪。四時白花滿林。亦在良隅也。清香遠襲。長庚修白業而悟。蕭伯玉先生題之曰。香悟菴云。嗟夫。余豈居士再來人耶。利峰度世。後余二十五年。仍翛然物外。不改廬山面目。且示余曰。蘊空無相。不礙聲塵。嘗令尋夢醒時消息。是先我着鞭。安得以弟畜之。行當與若。一瓢一笠。尋白業故處。爲若作掃地僧。掃空法界。同看旭陽初上。大地都成四照花也。援筆爲之記。

遜者曰。止溪先生。夢白茄花有省。正是慧心靈悟。

徹透根源。至是三心不起。聖解凡情。俱颺鳥有。而本來佛性。原自具足。或問曰。大寂無動。大身無相。如來法體。覓踪跡不得。蕭居士前身後身分明否。遜者曰。昧不得。復有偈云。白茄夢裡悟心宗。留得袈娑識岷公。無着天親真面目。已同妙性證圓通。白峰道人問。畢竟三心不起。是何境界。遜者曰。三心不起。是真如清淨實際。本來寂然之道。不動不搖。不住有爲。不住無爲。前念不生。今念不着。後念不起。三心空寂。不滯有相。不滯無相。不落不昧。自性圓明。達磨謂武帝云。性淨圓妙。體自寂然。三心不起時。卽是自性如如佛。

名德錄卷第二

編目

范文白居士

名儒參究禪宗嗣天目玉林琇和尚

朱近修居士

壬午年孝廉參禮雲門湛然和尚嗣古南牧老人

陳震孫居士

大儒禮樂名家見平陽木陳和尚

蔣受茲居士

大儒參究性理隱德君子

鄴定侯居士

名儒樂善修德禮月心和尚

董潛菴居士

名儒參天童蜜雲老人嗣法費隱和尚

陸孝可居士

名儒參禮靈巖繼起儲和尚

姜同水居士

名儒參禮惟一大師

葛右五居士

名儒參禮航溪和尚

黃初英居士

名儒參禮木陳和尚

錢天韵居士

名儒參禮宗山月峯祖大師

俞仲襄居士

癸未進士見了空真人

張孟嘉居士

名儒參禮雲棲蓮池大師

潘美含居士

名儒禮台宗慧幢法師

呂雍時居士

貢元禮黃梅南音大師

姜同蘭居士

名儒見山翁恣老人

張韋叔居士

名儒參究性理

李侗菴居士

名儒參究性理

葛遜公居士

名儒隱修樂道

許潛飛居士

名儒參究性理見航溪和尚

范餘飛居士

名儒體道明德禮怡菴元邃法師

郭喜臣居士

名儒明理盡性

吳孔璋居士

名儒參禮木陳和尚

葛昭侯居士

名儒參禮清溪法雨和尚

金子奇居士

名德參禮費隱老人嗣法度生塾

蔡公諧居士

名儒參禮古田完白禪師

錢聖月居士

名儒參禮費隱老人嗣法木陳和

黃翼玄居士

名儒禮武林法相定光祖師

郭可菴居士 名儒參禮平陽山翁老人

沈元華居士 益林隱士參禮龍池嗣法石樵禪師

楊元貞居士 名儒參禮靈隱具德和尚嗣法雲門端叟老人

葛文德居士 名儒參禮佛日石雨和尚嗣法之映大師

呂才三居士 業儒孝義參究性理禮南音大師

葛右五居士外紀 附濟凡真人行業

許道安居士別傳

劉谷巖居士外傳

桑隱處士婁公傳畧

鹽官名德錄卷第二

呂治平雍時甫校閱

龍巖遜者真照述輯 郭舒采喜臣甫重訂

廣福比丘善會彙編

范文白居士

公諱驥海昌名士常與諸方宿望交自謂性命生死大抵與禪家之根塵識性能穎悟迥脫即如如佛矣雖文章道德過眼空花參究到一識不生萬緣頓絕豁然明淨無聖無凡性命生死而無疑也諸門人侍聆其言乃曰先生契孔子之心契如來之心禮樂名

義如日之彰。真足照耀千古。先生之道。其自然耶。
乙卯秋。寄天目玉林老人三偈。其一。風雀驚心行路
難。可容給侍更加餐。生前有福隨緣好。悟後無心到
處安。其二。西峰夜觸箭鋒機。話別傳來庾嶺衣。五
月六月無消息。千山萬山空翠微。其三。柳栗一條
橫瘦肩。烟雲萬頃擁孤眠。夢中寄得平安字。知在猿
聲雁影邊。

利峰遜者曰。公性理如鏡。而又穎悟通宗。安得不
超超無上。若舉之子韶山谷。誠不讓于先儒矣。

朱近修居士

法名行晦

公諱一是。名孝廉也。後因刈髮披緇。究心佛理。梵行
精修。效維摩杜多行。而嚴戒法。日誦法華。偶閱古宿
語錄。有幸是十方無壁落。誰將五彩繪虛空。善財眼
裡生花翳。去却一重又一重。公于是大悟豁然。卽往
見法雨社禪師。呈所悟由。師云。悟卽不無。見卽是錯。
公曰。見則不錯。悟則是矣。師云。悟矣錯矣。更在迷矣。
公曰。迷則本無。師言蘊空。師云。本旣無迷。悟亦無立。
無悟無迷。本來成現。本來具足。本來靈妙。本來通達。
本來智慧。本來圓照。如是則識本性佛矣。公作禮曰。

惟師印證。永不蹉錯。師云。善哉休夫。公從此信益堅。兀坐晏如。既而從教入頓。再當悟後修持。仍誦法華爲課。茲則從禪入教。一心三觀。追盡空假中。識因緣起。本來妙明。原不辜負。偶有衲子問曰。叅禪了悟不雜用心。公之用心雜矣。公曰。水滿于江。月自孤。衲子稱云。公之誦經。其功德亦無量耳。言訖不見。公知必神僧也。公後臨終。無疾坐逝。

利峰遯者曰。近修居士。既悟了。已見本性。而又勤修。真得儒釋上諦。雖叅究誦經。亦有會心。故神僧驗其道行。而公蓋不以跡異。而二其心。然持誦功德甚大。所謂迷者之爲法華轉。而公悟者之轉法華也。

陳震孫居士

公諱會永。鴻儒博學。通內外典。有德君子也。仁而被物。貴而益恭。孝友清恕。禮樂名義。素有聞焉。每端居樂靜。默契心宗。肅然有裴度之風。先生體道明德。聞善卽喜。嘗謂諸子云。道無形。而用之有形。天無聲。而用之有聲。寂然而有爲者。出乎天之異用。道之異名。其實一也。夫天與道合。真吾其有所悟也。天與道一。物又與天一矣。真吾道于天。悟天于道。其非愚人所及。吾固得於佛聖之道一也。逮晤密雲老人。于西菴放生社。請益最上。因叙裴相國之叅黃蘗。直下空無。

所有。而本地風光。頓然自現。乙酉間游覽名勝。至武康之報恩。謁玉林和尚。譚究上下。有入室之記。後見木陳和尚。及古南。繼起。天岳諸名宿。投機合調。而慧性靈根。夙生不昧。于世法出世法之機宜。盡誠力究。已到徹底。而淵源之透。皆獲本然。自具之天真。似不假外得。無塵囂雜妄。惟自真實。獨與天岳和尚。最為相契。每落匕酬酢有聲。不減子瞻之與佛印。而機鋒相接。玉帶之留。溪雲山色。俱為証盟。先生乃識之。姓秤東坡。喝下了然。虛空已瞞不得矣。嘗閱諸經法藏。穎會自得。知清淨蓮花。含融智種。如來金口授記。得具信已。品量悉現。鏡智圓明。而世匕生匕。性聞了徹。出迷入悟。證無上果。其幽理秘密。而真性識性。至無疑境界。而自超匕乎。蓋道况彌嘉。同牟尼氏。運悲慈筏。大意莫窮。而金湯之護。乃從靈山記。蒞信有繇。而迨不忘焉。先生真是菩薩。御上乘第一矣。

上乘。超等妙覺觀。六根。六塵。六識。蘊空無相。至無上者。心空及第耳。

利峰遜者曰。先生性明達。才品卓越。通古今。崇信佛乘。與善知識交。洞達微旨。必再來人。而不負靈明。多生夙世。熏植道果。非但現在受益。屢刼尊貴。其福德寧有盡耶。先生高風雅度。與昆季之和義。

而有聲。詩文相為酌唱。其賢郎三。長諱壽。字允大。仲諱熹。字允文。季諱勳。字昇菴。進士公也。咸皆孝義明理。遵家教之嚴。是先生道德珍重。因功所積之。觀現前子若孫。芳茂隆立。如是之盛且慶哉。

蔣受茲居士 道號盡凡法名悟心
公諱天佑。隱君子也。讀書博古。性理明達。居嘗晏如。以道自適。慕白樂天于長慶。証道得言外之旨。心甚契焉。雖業儒。而道骨禪心。尤然不昧。不欺顯晦。正堂堂。而心與性融會則一。然三教聖賢。離此更無有學。更無別法。但着相外求。求之轉失。此不知本心是佛。而更覓佛者。錯矣。公嘗謂諸子曰。先天至精一氣。性命本不相離。儒釋原無二致。太虛靈妙。自覺圓明。淨勝等因。當體自證。而六欲瞋恚。皆屬業風暗度。聖賢工夫。要在究竟。所以見自性體。本無障蔽。一切流

露影響。總爲虛幻。乃無實據。欲超三界。迴脫輪迴。又豈依稀。曲譚名相。爲無礙哉。一日因訪遯者于拳廬。語笑竟日。而身心塵世。當下豁然。是知最上大學問。自悟自徹。祇在此處。而橫着者。尋肚投胎。正不知源頭也。遯者曰。先生默契無爲之理。絕諸思議。正是言語道斷。頓御塵勞。而得真心自如。本源清淨。明妙安樂。深得悟入。便同法報化。應現之無窮耶。公曰。登太虛。斫月中之桂。吾則豈云哉。遯者曰。如大力量者。履天界。攀雲龍之角。非爲分外。君子謙謙若斯。是豈真未如耶。先生乃亦有道焉矣。

利峰遯者曰。受茲先生禮樂名德之風。孝友仁義。通達三教。身心內外。真靜安道。知而默証。明而自晦。隱君子體道恒如是。以天地同根。萬物一體。無人我之礙。是非不涉。正是具足完人。元會本來實相。則曰。但盡凡情。別無聖解。諸佛菩薩。依此而修。淨盡四相。見執。故曰。見在卽凡。悟心卽佛。離諸幻執。而真如妙義。只在先生胸臆中。以證智正。透徹無始以來。靈明覺性。卽是還源之要。體露真常。根塵清淨。而日用運轉。施爲皆屬解脫。乃曰。盡凡。

[Faint bleed-through text from the reverse side of the page, including characters like 陸, 公, 謙, 嘉, 淑, 別, 號, 冰, 修, 出, 自, 名, 家, 聰, 慧, 敏, 捷, 落, 筆, 千, 言, 而, 無, 擬, 議, 正, 如, 長, 江, 大, 浪, 波, 濤, 萬, 頃, 公, 之, 文, 浩, 瀚, 若, 斯, 而, 不, 可, 遏, 也, 待, 軒, 張, 先, 生, 嘗, 稱, 之, 曰, 冰, 修, 自, 幼, 一, 目, 數, 十, 行, 一, 寫, 千, 章, 真, 墨, 士, 也, 與, 南, 屏, 豁, 堂, 大, 師, 交, 後, 與, 靈, 巖, 繼, 起, 和, 尚, 及, 佛, 日, 山, 曉, 和, 尚, 俱, 從, 遊, 焉, 其, 往, 來, 參, 問, 于, 雷, 轟, 電, 掣, 之, 下, 而, 能, 當, 鋒, 覲, 面, 承, 遞, 宗, 風, 拈, 棒, 舉, 拂, 箇, 裡, 全, 彰, 而, 公, 宗, 通, 說, 通, 有, 向, 上, 之, 機, 可, 謂, 解, 粘, 去, 縛, 而, 得, 本, 分, 妙, 明, 者, 則, 請, 大, 知, 識, 贈, 言, 蓋, 有, 其, 所, 証, 焉, 矣.]

陸壽可居士

自稱辛齋主人

公諱嘉淑。別號冰修。出自名家。聰慧敏捷。落筆千言。而無擬議。正如長江大浪。波濤萬頃。公之文浩漭若斯。而不可遏也。待軒張先生。嘗稱之曰。冰修自幼一目數十行。一寫千章。真墨士也。與南屏豁堂大師交。後與靈巖繼起和尚。及佛日山曉和尚。俱從遊焉。其往來參問。于雷轟電掣之下。而能當鋒覲面。承遞宗風。拈棒舉拂。箇裡全彰。而公宗通說通。有向上之機。可謂解粘去縛。而得本分妙明者。則請大知識贈言。蓋有其所証焉矣。

蓋利峰遜者曰。讀書綴文。眼空當世。扶宗闡教。剖晰
正邪。而決斷是非。正如下喝行棒之機用焉。又寧
同空色。爲証宗門耶。而公之超畧。與諸大知識。法
鼓鐘鳴之際。激揚向上。豈細事哉。惟公標致。迥出
常流。誠不讓于長慶之見章山矣。

葛右五居士

公諱定臣。業儒博學。叅究禪宗。初謁昂溪和尚。叙所
見知。偶有觸發。因過靈源菴。晤石樵禪師。座中示以
寒冰焰發。枯木花開之句。歸作二頌呈教。師隨喝云。
從此猛力圖進。莫教當場錯過。賊去張弓。併信口拈
來。以爲一笑。寒冰焰發。頌大造無心。却有箇中冷
煖。自殷陳。從茲未許傳消息。恐逗寒崖雪裏春。枯木
花開。頌亂石臺前老禿梅。一枝偶放帶陽回。有人解
却生生理。莫把前身作浪猜。當場蹉過。頌傀儡場中
不用尋。張牙露齒總非真。莫言空谷無獅象。悟得神

通在處親。賊去張弓頌。記得當年六祖傳。後門驀進
自嗎嗎。雖然走却偷天賊。一箭從教到底穿。蔡公諧
見此頌。乃曰。昔蘇子瞻。遇佛印禪師。一見傾倒。遂成
千古絕唱。茲右五晤石樵禪師。不覺蓮生舌底。火透
眼光。知二人者。應當作如是觀。一日過福城。訪黃龍
道者。暢譚上下。道者曰。居士慧性超作。于已工夫。得
無礙否。居士卽大喝之。道者曰。何須着忙耶。居士乃
呵呵。道者曰。休去。又一日再訪道者。論及最上奇特
能將三教聖賢。打死救活。右五居士。有此手段否。若
然則于這等境界。超出天外之天。世外之世。直証到

無佛無衆生。爲乾坤大地人。打破機關。令得迴光。自
見本。上曰。只爲瞿曇多饒舌。却被雲門一棒
除。道。游神龍能變化。靠山猛虎解當機。居士
拂袖。君曰。任任。已識得了也。

利峰遊者曰。居士非仙而仙。非禪而禪。日用洒脫。
迥然超畧。而自適其意外。故能談天論地。何曾着
一字。而塵品中人。不能測度。若要夢見右五。水底
撈月。摸索不得。或向四維上下。描寫面目。祇是太
虛鶻突。衝開碧落之雲。現出無畏之相。擊來日月。
吐出風雷。便是居士智慧大勇力耳。

錢天韻居士十二問

歲甲辰春宣城宗山祖大師訪居士居士設問請

益 答語不錄出宗山集

一問。如來只有一法。故曰不二。如何是不二法。
 二問。未逢出世明師。狂服大乘法藥。如何是出世明師。
 三問。隨緣消舊業。更不造新殃。未審無事道人。如何
 保任。
 四問。如來藏本自空寂。一法不存。契經玄旨。
 喚作甚麼。
 五問。達磨面壁。不令人着所知見。忘機
 絕念。猶落二乘。如何是最上真風。
 六問。天真自性。
 本無迷悟。十方虛空。只是一心。如來心法。畢竟有無。

七問。有屏事以存理。乃是心礙境。只如事理無礙。心境空寂。如何是一真法界。居士因此悟入。八問。愚人除事不除心。智者除心不除事。菩薩心如虛空者如何。九問。如來能度無量有情。如何不能盡衆生界。十問。佛能知羣有性。窮億劫事。如何不能化導無緣。十一問。佛能空一切相。成萬法智。如何不能即滅定業。十二問。佛謂阿難靜坐一時。內靜六根。外靜六塵。中靜六識。畢竟如何。是清靜中端的。

煮甲氣香宜。然宗山脈大。明前古士。風士。對問請。

發天贈。士十二問。

張孟嘉居士 別號烟波逸叟

公諱王綱。字孟嘉。祖貫黃巖。明初遷寧。遂家焉。居澹塘。業經七世矣。幼而出乳。二歲甫歸。即育于祖母郭。然多疾病。疾間攻苦數年。而補博士弟子員。遭時之變。拋棄詩書。遨遊半天下。悲歌慷慨之詞。俱付諸一炬。止存菊庄二集。年鄉杖。乃謝絕世緣。惟著書自娛。蓋安貧樂道也。有類苑雲箋要典百卷。然皆傳集舊聞。可以利世用。啓後學焉。公性圓明。六塵清潔。不爲世染。年方十四。禮雲棲蓮池大師。聽講湖南淨寺。即從學未幾。而靈鑒法師開學平川。即負笈廣巖。依止

焉。厥後宗教疊興。而邑之陳中丞。爲釋門領袖。延費隱和尚。及百癡和尚。于慶善寺開法。公有機緣語要。時雪法師平法師。于安國寺。舉揚道法。亦得從遊。順治初年。有鴻衍大師。來自浮佛。初寓延恩。苦湫隘。公與姪如龍。延請家園。供奉二載。機鋒相叩。而入道之語。証合爲多。時公七十有五。爲之像贊曰。乃公博物君子也。性寡飲。好著書。不戚戚于貧賤。不營營于名利。淡然自守。老而不移。其書述而不作。詩則放而不羈。人皆曰。六朝遺老。兩代真儒。殆西山之流韻。彭澤之高風歟。

利峰遜者曰。孟嘉居士名儒也。于佛法參玄抉奧尚矣。因作頌曰。海昌碩德瑞世文龍。道望久著。遐哉高風。究心內典。述言具款。百卷旣成。讀者皆感。禮蓮池師。覺華早發。透露妙圓。靈機頓豁。踏碎鐵輪。虛空已破。直超無上。六情俱度。智慧彌堅。千差坐斷。功德真實。離諸虛幻。大善永祥。萬齡共芳。羲皇猶在。元會如康。

皇師在云台收惠

坐澗以謝其實。輔精進以。大善永報。萬端共。美。飾。益。空。日。期。直。欲。無。上。六。辭。身。更。皆。慧。願。望。千。法。斷。難。出。前。後。其。早。終。靈。然。即。發。謝。拜。禮。若。高。風。吹。心。內。典。有。言。具。後。有。卷。頭。以。謝。答。皆。如。尚。矣。因。非。取。目。前。有。即。謝。辭。世。文。諸。道。望。入。深。選。味。執。難。昔。日。孟。嘉。居士。善。謝。也。于。謝。去。祭。文。林。與。

潘美含居士

公諱廷章。性好博綜。文章理學。驅駕一世。與靈隱具德和尚。及晦山大師。詩禪酬唱。而參究寓焉。又與台宗平觀法師。高足慧幢。及戒初諸公。持論教義。而公別有神解。其夙根慧性。超出塵表。若仙子之下瑤臺。真人之登洞府。闡揚內外典。甚有益于名教。有補于後學焉。

利峰遜者曰。美含居士。硤川名士也。靈根本具。慧性自然。不從剗外香飄。而高風自被遐邇。邇焉。

卦自然不發味於香膠而高風自好幾幾

味神幾味曰美含居士。類以合士也。靈琳本具慧

又學

其人之登臥初聞謝內小典甚有益於各於亦斷于

眼亦味神其味慧卦跋出臺表苦山于之可聖臺

宗平歸去明高又慧前又亦亦謝公卦論於義而公

謝味尚文謝山六而而謝謝謝而然矣寓焉又與台

公謝我章卦跋謝謝文章聖學聖賢一也與靈靈具

謝美含居士

呂公雍時居士

別號愚溪

公諱治平。幼敏悟。冠多士。博極古今。繼踵先夫子。覺

我先生。理學文宗。著述嘉言。發聖賢所未發。然見于

景行諸集。而源也。未有艾。公嘗與南音愚山兩大師

交。得其妙用真機。不減裴休之叅黃蘗。無垢之見大

慧。兩大師。每以入室見契。心折其備全體。明大用。卓

然為一世偉人。俱前席以待之。或於燈前月下。機語

相符。真是入彌勒門。諸妄不存。增長文殊智。到活潑

潑境界。而身心性命。圓明湛然。是佛之覺體。靈通三

昧。皆現前也。聞黃龍道者。寓雲廬。因訪之。道者曰。夜

夢接天際真人。今日晤先生。是亦遇之奇也。乃掬清風。攬明月。暢叙因緣。俾雲廬諸子。侍聽豁然。塵胸頓消十斛。先生孝友忠信。以名教綱常爲己任。今以明經任學諭。是尼山木鐸。不減如來花雨。乃知先生於儒釋一拳打徹。隱若同途。雖後之事業無窮。而教澤所至。必能挽斯文于未喪。振大道于將湮。俾膠庠諸子。俱沐浴于先生旋乾轉坤之化而已。息山兩大洞利峰遜者曰。君子之道。原無蔽也。蓋自全體深息。養其妙用。而後道之生者。用之至也。公智慧不凡。一滴作浪。溟渤千里。今已負盛名。而經綸未展。然轉山河大地春也。

德器弘遠。奚九萬程之難舉哉。吾知公一念間。能

韓山師人批春也

姜同蘭居士

公諱之珩。鹽官名儒也。立言勸世。正如子瞻。以文章為佛事。公之著述。數十萬言。自予誦之。加約矣。何約乎。爾自題曰警心語云。人秉二五以生。得天地之秀氣。為聖為賢。為忠為孝。皆已分內事。當在自己身上。反覆修省。使無一可惡處。庶幾學道之心無忝。然學者通患。責已則恕。責人則周。見已則是。見人則非。溫公責人之心。責已。恕已之心。恕人。學問竟屬蕩然。孰知人不得意我者。正是我着力之處。人多所拂我者。正是我用功之際。故作一敬。二慎。三畏。四樂。五戒。六

憂。七宐忍。八不欺。九恕。十省。以自儆焉。吾儒修身立命。第一以敬爲主。慎言語。省是非。爭辯。慎思慮。少貪欲。營求。畏天地。以天地之心爲心。不可不正。畏聖賢。以聖賢之學爲學。不可不講。畏父母。以父母之身爲身。不可不守。樂讀世間好書。廣我聰明。樂交世間好友。益我學問。樂行世間善事。消我仇隙。樂玩世間好景。開我襟懷。臨財以貪爲戒。遇色以淫爲戒。衡文以妬爲戒。處事以怠爲戒。交友以謔爲戒。舉世皆好貪。憂不能使之盡知廉。舉世皆處污。憂不能使之盡知潔。舉世皆成愚。憂不能使之盡知理。舉世皆處危。憂不能

使之盡爲安。舉世皆在苦。憂不能使之盡爲樂。舉世皆尚囂。憂不能使之盡處厚。口不可縱。宐忍言。色不可驕。宐忍屈。節不可喪。宐忍欲。忿不可長。宐忍怒。毀不可辯。宐忍辱。侮不可鬪。宐忍觸。妄不可動。宐忍氣。朝廷爵祿可邀。君上難欺。家庭恩義可假。父母難欺。族分田園可奪。宗祖難欺。鄉黨是非可溷。公道難欺。學問真假可飾。心地難欺。一身好惡可專。情理難欺。清夜功過可寬。神鬼難欺。腔子誠僞可昧。天地難欺。貽我禍者勿校。恕其狂。造吾謗者勿理。恕其囂。竊吾財者勿追。恕其貧。怠吾事者勿責。恕其懦。毀吾家者

勿罪。恕其妄。蔑吾禮者勿咎。恕其愚。辱吾身者勿治。恕其倨。亂吾性者勿懲。恕其躁。拂吾言者勿斥。恕其偶。遇人薄我。是我省仁處。遇人惡我。是我省義處。遇人慢我。是我省禮處。遇人詐我。是我省智處。遇人誑我。是我省信處。遇人誹我。是我省恕處。遇人欺我。是我省忠處。遇人辱我。是我省勇處。遇人污我。是我省廉處。遇人迫我。是我省寬處。

利峰遜者曰。好言語。都被說盡。好文章。俱已述畢。請為詩以述志。歌以永言。曰。芳風之襲媚兮。淵遠之流長兮。吾得閱其言兮。後世之學者佩之。以永賴兮

張韋叔居士

元帖先生次子

公諱晟。幼敏悟。遊庠。好讀知古。性孝淳誠。作事端重。名聞閭閻。乙酉兵燹。避裂。諸具不顧。獨載元帖先生所批閱箋註經史子集千餘卷。曰。大人精神所寓。不可遺失。惜如重寶。後得盡發。枕秘梓之。公之力也。順治酉戌間。元帖先生退耕蘇丘。黃雀之麓。公執書躬侍。旦夕慰問。元帖先生曰。本領工夫。其在明德。舉業文章。豈輕踐履。而念典會心。聖賢之學。益有進焉。公良久唯唯而已。時先生為枉禍累。公請獨身當之。質諸神明。奮不顧死。號呼辯晰。聲淚迸咽。對簿之日。其

事竟雪。公之身倦神疲。遂成勞瘵。病既篤。猶能手評
所述一經堂集。分彙若干帙。帙成。儼坐晏如。乃曰。吾
透無相光中之法身。碧潭清照。了無剩跡。去無滯矣。
年未盈三十而逝。真天之喪英也。悲夫。棄孤子。訖。僅
七歲。喜秀異。遊泮。克成家學。紹繼先範。猶躅慎誠廉
潔。傑然古風。訥字無逸。博極羣書。體聖賢規。鉞恭重
雅道。而韋叔氏之淵遠流長。可謂世英益德。其甚優
哉。

公利峰遜者曰。公之孝行優德。才品文華。出之自然。
惜其早逝。而天之不掄其用。猶孔子之嘆淵。而賢
者不用于世。聖人之道。亾也。公之在日。窮經及史。
獲其要妙。真得天理大全。每出議論。不讓柳元鍾。
譚諸賢達。邑中耆碩。皆稱之曰。公之肅人也。俊而
且慧。古有肅德若遘。孝友高風。韋叔氏雖早逝。儼
然猶在生耳。

然遊亦生耳。

且禁言行亦無所禁。禁言行亦無所禁。禁言行亦無所禁。禁言行亦無所禁。禁言行亦無所禁。禁言行亦無所禁。禁言行亦無所禁。禁言行亦無所禁。禁言行亦無所禁。禁言行亦無所禁。

許潛飛居士

公諱蛟。早年登泮。明天道性理。博通三教。古今上下。一拳打透。嘗與名宿問道。如航溪南音諸大師。皆有贈言。公自以超卓絕塵。迥然世外。卽無盡大年。未當意下。然其眼目之正。胸襟之廓。悟心于內。其所著述。皆慧性靈明。七通八達。而橫眉之見。豈能擬其量耶。歲壬寅之秋。孤野道者。以慧力錄似公。公閱之曰。此旗鎗手也。道者曰。還識號令否。公卽掩其卷。道者曰。恁麼則風恬浪靜矣。越十年。道者過橫塘。再訪公于真相齋頭。惟提最上。不譚極談。不契而契。唯有溪雲。

山月共盟無生。言外知音。無情頓豁。契心宗之無言。絕階級而無着。不作秋楓黃葉之吟。而道者不向空窟取龍睛。正要截斷天下人舌頭。公不以今日噴飯滿桌。而木樨之透哉。呵呵。當在迎笑亭。再勘端的。許利峰遜者曰。潛飛君子也。業儒而參道。洞明本心。意從禪觀而見諦透徹。自具夙因。靈根穎慧。而迥然超畧。與塵品似有不同。雖與諸大知識。交道日益。一公之日新。深有進焉。而吾宗無語句。實無一法。公公早覩破矣。登來四十年。出聖河。三益古今士。

許利峰居士

郭喜臣居士

公諱舒采。黎翁先生季子也。幼而才辯著述。明理有度。嘗與諸名宿論道。說義真實。言無虛誕。繼黎翁先生之後。聲調彌高。凡先生遺言。公爲付梓流通。可謂盡子之道矣。一日龍巖道者至。而肩吾自天允升諸公。同遜者集樂志堂。看雞冠花。堂爲石丈人題。石丈人。卽黎翁先生道號也。遜者因其詩曰。久惟冠冕御臚傳。樂志堂前色更妍。豈待深秋升韻日。金階且耐石人言。公閱而感之。龍巖道者曰。世出世間之道。原在奇特人建立。所以有明心見性之能。旋乾轉坤之

力。黎翁先生。出世高尚。如世燈慧日。足跡天下。天下莫能藏其形。杖履名山。名山不能隱其諱。面目堂堂。如水中月。隨處現相。隨處應機。人皆仰之。先生誠出世竒人也。更有公者。善體尊範。並昆季遴德惟恭。可稱孝友君子之風矣。公朔望齋沐。屢謂道者曰。吾惟放老父不下。今欲窮山谷水涯之際。而根尋之。道者曰。公之言。出于忍不得處。真孝思。可感天地。格鬼神也。天地間。惟能盡忠孝二字。道德文章。俱有備焉。又何性善之不可成哉。

利峰遜者曰。喜臣居士。至誠君子也。明而以德。智而以禮。兄弟之處以義。朋友之處以信。知識之交以道。其慧性自然。又能敬佛。窮徹無上。不思議之果。而于菩提妙覺。得冀正修三昧。皆上乘也。蓋黎翁先生之所修積。子若孫鱗鱗爭秀。何慮天瑞之不臨也。

不謂也。今來前山。亦不。...
 緣。...
 果。...
 以。...
 而。...

吳孔璋居士

別號昆生樂善修福

公諱士琳。法名超本。誕于明萬曆乙未年四月初九日也。生時異香盈室。彌日不散。疑有神仙降跡。兆于此耳。追其先令始祖諱由者。為鹽官守。因世居焉。凡幾傳。至賢書六常公。公即賢書之子也。穎拔逸倫。讀書好古。留心內典。靜究佛乘。與善友結社念佛。因叅東林。及平陽木陳和尚所開導。木和尚以拂指之曰。天共白雲曉。水和明月流。公以尋嘗知見。直陳所解。木和尚曰。經言知見立知。即無明本。知見無知。斯即涅槃。凡夫多此一知。返隔一層。又為知所障道。祖

師了知。而豁真知。所謂般若無知。非不知而真知者也。儒謂良知。而良能辜出。不離心意識。而總之現比之量。安得直超于無上耶。公于是豁然。如大夢之覺。乃曰。今日方省佛老孔孟。與天地同其心。而其命也。木和尚曰。善哉。公言徹矣。雖然最上一着。生歿關頭。苟非夙願慧性。現名士居士身。不能會悟耳。公壯年遊廣西。見知于戎府蔡公。題請授職。公弗是去。因岳徵仕郎。余公復命。同留京師。改授禮部儒士。任迪功郎。遂不仕歸。公稟性坦直。孝友。凡族戚托孤者。四率撫之。終始訓勗。產生竝全。蓋彷彿邱成分宅之德。

焉。後以學道修身。居恒怡然。靜謐杜門。不外雜適。修家行。雖尊叔氏。梅里先生任銓曹。族戚咸藉以光耀。而公則泊如也。邑中縉紳。莫不知交。而公不足迹一至。敦清淨業。克容人過。卽有橫逆。悉以婁公。乾唾面置之。晚年道况更嘉。與里中耆碩。矢志白樂淨。因之果。追武香山。迨康熙己酉孟秋。二十有三日辰刻。恬然逝焉。越數日。有李子見心。夢披常服。戴華冠。而語曰。我雖歿。猶生。味此言。非素履篤實。其能如是乎。公三賦睢鳩。元配余孺人。卽前余公之女也。繼配陸孺人。係文學陸公之女。並先公逝。所生子女皆物故。二

配余孺人。廼江西守余公之妹也。三孺人皆有善德。好佛惠施。有念佛記存焉。因公好善。方螽羽衍慶。其孺人亦先進。公之生平事跡。茲節畧其什一耳。幸公三賢嗣。克繩嚴誨。束修砥礪。金玉其行。知必弘乃世德。以永公令名于不朽也。康熙戊午歲仲春之望一日。金英識。贊言。觀翁之貌。穆也。堂也。邇翁之德。嶽聳淵長。風規曠遠。夢晤羲皇。林泉嘯傲。睥睨冠裳。議道自己。刑于孟光。專經課子。白眉最良。三族待之舉火。傾囊是將。五斗弗以折腰。清節彌章。螽羽衍慶。奕葉流香。老成如在。桑梓爭揚。恨余來晚。僅受知乎賢郎。示我傳實。斯得企厥周行。卽而擬之。殆與香山彭澤。相爲頡頏者歟。人月祖謨。又贊詞。齊眉舉案。梁鴻孟光。翁也以華胄而肥遯。母也出名閨而溫良。鳳崗三秀。白首一堂。神垂後世。慶衍無疆。張王綱題。利峯遯者曰。公入世間人。而行出世間事。蓋性理之明。道德之著。文章之雅。皆出世自然。而能篤信佛教。穎會圓通。所以積善厚福。必有嘉徵。余見其子若孫。文瀾天湧。青與藍出。又其自然乎。今闡一。幼升。九菴。增修世德。而且奉佛之誠。又篤焉。夫豈不同諸菩薩。登于華藏莊嚴。直証智光三昧之道。

不同諸菩薩。登于華藏莊嚴。直証智光三昧之道。

哉同前著著于華...

...

...

...

...

...

...

...

...

...

葛昭侯居士

公諱孔昭。世業儒。鴻才博雅。初遇金粟行僧悟緣。拾

字為課。清修戒律。公即捨地創建。殿宇維新。名惜字

禪院。延請法雨禪師。閉關淨居。公于爾時。大發勝心。

日則禮誦。夜則參究。篤信喜捨。功德良多。一日扣關

請益法雨禪師。無上之道。謂無門之門。無言之言。究

竟如何。法雨禪師曰。究竟一着。心淨智明。體本空寂。

非見聞覺知之所可知。非思量分別之所能解。蓋所

謂禪與教。而名雖殊。本一體也。譬如百千異流。同歸

于海。而無異味。須是一歸其源耳。所以習教者。必須

達玄旨。習玄者。必須悟自心也。公曰。然則心之悟。不待降伏而自然清淨乎。法雨禪師曰。善哉。知吾言矣。公乃服膺其訓。卽謂友人姜同水。述鞭心一集。呈法雨禪師。禪師示其言曰。心本靈覺之妙。乃卽智慧之本也。心生則種種法生。心滅則種種法滅。公之所謂鞭心。心若空時。鞭個甚麼耶。公曰。願大地之人。得無心之智。吾則稽首空王。則無以能鞭之哉。法雨禪師再示其言曰。如宗門一事。妙在自得自証。其自得自証之妙。乃是個活脫無依道理。傳不得。教不得。學不得。擬不得。分別不得。自立宗門以來。都道有叅有學。

誰知道自得自証。與叅的學的說的。盡是情識依通。知見解會。正是無量劫來。生死根本。縱饒宿熏智種。不被情識所遷。不遭知解所障。縱有個分明。猶是死法。若望個活意。又是萬里崖州。若未到活脫。無依田地。未免都是塵情意障。安能出生死。而頓超無上耶。公卽訊而領之。後因法雨禪師。以龍池付囑之招。出關竟渡。請清益法師。繼其席焉。爲大梵刹。遂成千古靈幢。皆昭侯大金湯力也。右五居士曰。捨給孤園。而成淨域。一笠蓋如來。而得帝皇之報。誠然因果之不虚也。

利峰遯者曰。昭侯逸世名流也。著述若干卷。惟鞭心一集。最爲奇特。非得真性蘊空。不能有是。雖言而無言也。奇哉。非心之無。而性之空也。蓋安之絕意之斷。塵識之泯跡。聲色之解脫。豁然無我無人。無衆生無壽者。諸相殞滅。獨與世尊對機說法。凡此心之不待鞭。而不可得矣。山主孤而跡。跡無土。匪

蔡公諧居士

居士諱克襄。篤志讀書。早年入泮。輒以瀟洒自適。日用動靜。元會一如。故其逍遙任性。獨見其神。一日自知時至。乃作偈云。瀟洒烟霞六十年。不貪富貴不逃禪。來時先訂歸時信。何異當空杲日懸。言畢而終。

利峰遯者曰。公諧之爲人也。磊落不羣。獨能于聖賢胸中。按指發光。而別有一段真趣。自怡其性。故臨行了無罣礙。皆平日之見處明白。所以臨終之自然耶。

自然服... 無量壽... 寶瓶... 殊執... 默來... 朕... 出... 哥士... 蔡公諧居士

錢聖月居士

道號螻菴別其名曰盤譚氏

公諱光繡。其先寧郡。遷居峽川。少年有聲黌序。雅負經史。才識卓然。性靜寡嗜。好皈信。天童密雲和尚。法名行炳。嘗寂坐參究。體悟法身無相。法眼無瑕。話誓願蘊空。至大安樂。日用湛如也。因以書問天童密老人。曰。人弗知而乃知。知而乃不知。孰知不知。謂知乎。知而謂不知乎。不知為是知。不知知為至知矣。嘗謂至道至知不可聞。聞而非至也。道不可見。見而非至也。道不可言。言而非至也。道不可名。名而非至也。非道常名。至道不名。不名而無名。無名為至道也。孰知

道之至至乎。至至而真面目廓然太冲。于天地未兆之先。獨露圓滿。應之而萬化不窮。攝之而纖塵不立。無為寂靜。始曰道。密雲老人答曰。道不當以名言。不當以智知。所謂問道而應之者。是不知道也。或曰。不知則絕對。即同木石。似無言可也。安知云至道哉。夫惟木石可與言至道也。木石在山。精一不滯。神凝不雜。天地養其大用。內明外潤。孰如木石之無心。松栢之耐操耶。公拜服其教。得之明心見性。不辜世出世間參學之真受用也。公嗣法平陽山翁和尚

利峰遜者曰。公圖天童三代頂相。懸之明堂。以為朝夕覲晤。是不忘其教也。余識盤譚氏。真是奇男子。世上有等昧道而生。總為癡骨。悟道而死。千古真英。恋世之愚人。真不知道也。是豈于天地三光為眷哉。聖月居士。可謂炳然在世矣。

黃翼玄居士 積善修德

黃公諱伯鵬。字翼玄。海昌世族。文學名儒。為人忠誠
 謹朴。恕而御下。恭以謙吉。好善樂道。不欺庶物。卽橫
 逆時來。忍辱退讓。閭邑稱頌。有長者風。公自知名教
 障心。名理束纏。不能透徹。無上道果。惟是漸次修持
 因中年乏嗣。喜捨修橋砌路。力行善事。以作濟世津
 梁。至于大小惠施。燈籠草鞋。義井桶棧。一應捐佈。無
 有少憾。虔往武林法相大伽藍。定光古佛。裝修金軀。
 設齋啓建。無遮道場。禱祝三願。一者得見生子完姻。
 二者得見子入黌官。三者得見孫枝森立。此雖俗願

倫常之繼。不可無之。再願垂老康健。惟冀佛乘。一日
至于忠肅廟。信宿其堂。夢于公付金印一顆。是歲卽
生子。及長成。娶親遊庠。生三孫。三願果滿。答謝高厚。
虔心誦經。愈增信力。眷近八旬。優游自娛。以道自樂。
吟詩寓意。高飲不醉。心性澄清。喜與禪衲論道。以明
心地。日用參究。毫無纖疾。偶體倦。端默恭坐。子女繞
侍。問安。緘無半語。唯_匕笑而悠逝。聞者稱嘆。子長
公諱應湛。字有斐。慷慨激昂。奮志經史。著聞閩閩。青
雲未遂。皈信正覺。以冀慧性。日誦金剛。藥師。法華。諸
經。精進不怠。謁南音。航溪。木陳和尚。談禪指月。心鏡

開光。而此領焉。憶甲辰歲。遇黃龍遯道者。盤集悟香
之園。高論彌月。透露天虛。微妙清譚。真機頓豁。直令
塵境一空。世事浮雲。俱颺在幻影下矣。公于是法乘
篤信。乃曰。覺性圓明。真智般若。本體自然。慧光成現。
心性無染。寂照一如。動靜雙融。言端絕慮。萬境無侵。
朗然通徹。長孫字殿傳謂之曰。儒有上次階級。禪列頓漸悟修
玄開。有無妙竅。吾知同其所不同。則心性共其源矣。
今遇道者。直顯秘義。無相三昧。廓然虛寂。得令塵境
頓消。豈非夙緣厚幸者哉。因感道况。作詩以誌。久惟
道法問天台。清淨蓮花次第開。已識本因含覺性。今

朝妙悟。面如來。利峯。遜者曰。長者居士身。文人名德相。皆是觀世音菩薩。應現身而出度世間。翼翁信善。三願滿足。其子若孫。其証毘盧。得無上智慧辯才。圓音孔篤。願于塵勞中。獲百劫千生之果。其他橫眼。萬七不可及。寧知翼翁。密行惠施之心。有公博悟佛乘之義。如是究心。安得不通達于上下耶。殿君性理之明。發言綸貫。故其詩文清徹。一塵不染。真是道學君子。

郭可菴居士

字元升別號靜溪

公諱時。生于前明己巳年十月十一日。誕時祥光燭室。父異之。乃禱于佛。幼從雪嶠大師。賜法名曰傳燈。性好讀書。早年遊庠。隨祖父黎翁先生赴任所。暇則祖孫論道談禪。益相得也。後以師事文白先生。與同堂許潛飛。陳亮章。徐葛王諸公。爲詩禪酬唱。視功名若浮塵幻影。澹然自如。唯以本分參究。期所透徹。嘗請益于木陳和尚。出世大事。木和尚開導有言。修行本爲超生死。先須識生死根。若不透悟。則生死根不能斷矣。公于是頓然融會。便棄妻子。築室橫塘之埜。

顏其居曰。東臯別隱。敬裝大悲聖像。兼持禮誦。以禪淨爲課。而無上之義明乎。後與元之上人交道。機緣穎解。乃因題其壁曰。隱居學佛。得意安心。公與上人。合道莫逆。深相契焉。至丁未之春。公因病篤。移榻向西。見旭暘初上。默然而逝。塋于接濟白潭之麓。公生三子。長名曰謙。次名曰讓。又次曰諫。俱業儒登泮。公世壽三十有九。所著竹齋吟諸集。皆行于世。母陳氏。妻翁氏。雖藜藿之充。迨猶克守苦節。唯念佛。敬修淨土。嘉州生。前明己丑年十一月。蜀報新火。利峰遜者曰。可菴居士。夙有靈心。便不爲功名富

貴之縛。視以爲浮塵虛幻。卽棄妻子學道。豈同世俗之貪瞋癡愛。寧克洒然體悟。直至上乘。蓋所以一心究竟之功。能攝諸根。歸于淨密。卽是真如淨界。無爲寂然之道。則生實相。故知無念卽真念。無相卽真相。離相無相。入佛境界。到此超生死。無涅槃。十方坐斷。乃所謂塵塵具足。法法全彰。得証靈通。頭頭無礙。居士早有恁般透脫。視死若生。盡乾坤大地。是個西方極樂。森羅萬象。無非本性光明。圓融無上。卽是最勝之功。修行要訣。不出寸中。而淨品蓮花。生于無念。可菴之道。其在此矣。

...品...主...無念...其...
...大...
...士...
...坐...
...無...
...一...
...谷...
...貴...
...同...

葛右五居士外紀

附濟凡真人行業

太歲殿者郡城有之。海昌闕焉。凡含生負氣之倫。思立之。崔府君官廟之左。其地陞隘。衆姓謀所以廣之。限於地也。右五居士。頓發喜心。卽捨其家基地之偏。爲廣其域。以隆殿宇。迄今金碧煥然。皆居士功德也。而六天甲子。神貌儼然而羣生性命之賴佑乎。夫豈福果之。不長茂耶。本宮真人錢濟凡者。有道人也。精于攝理。而制度維新。繇是方隅崇信樂施。成于不日。真人之見道審矣。明立理。徹於先天一着。透脫無礙。境界日新。而于道人本分何加乎。其爲人也。溫恭慎。

德謙也。不居。右五居士亦敬禮焉。本宮既得落成。不
 減華嶽之勝。在濟凡不辜檀越之施。他日銘於誌言。
 識右五之樂善好施。俾濟凡之道得行也。余託管城
 子。畧述記之。以待夫大雅君子。樂詠其盛云爾。

前六天甲子所... 識其刻... 立之... 太... 尊...
此處文字因模糊及被水印遮擋，難以辨認。



程